


# UKUYA KWAKUPUMIKISHA,

## UKWA MUNKAMA

## UKWA CHALICHI

 Cifwile calenga umuntu onse ukumfwa bwino, bushe tacifwile ukucita ico, icakubalishapo icaba ngefyo? Nacilungama. Natukontamike imitwe yesu pakashita fye akanono mwipepo ilyo tatulaisula i Cebo.

<sup>2</sup> Shikulu, tulelanda kwati nibalya abakale ukutila, “Nali uwansansa lintu batile, ‘Natuleya ku Ng’anda yakwa Shikulu.’” Tekuti tusange icifulo icawamisha icakubako, ileelo, ukucila ukuba pano pamo muno lukuta ulwakwa Shikulu, mukupepa. Nangula kuti kwaba ukuloka kwa mfula, panse, kabili kuti kwaba ifyabulanda nefintu, lelo lintu twaba Mukubapo Kwenu, tulakwata uku ukumwentula kwasukelelamo, ukutila natwishiba ukutila Imwe mulomfwa kabili mulabomba ifintu fyonse fye ifyalungama pali ifwe.

<sup>3</sup> Tuleipusha amapalo ayaibela muno lucelo pali abo abacifilwa ukwisa kuno mukulongana. Abengi, limbi, nga bacisa nga cakutila imibele ya nshita tayaciba iyabipa ifi. Lelo lekeni basange icitalaliko mukubelenga kwa Cebo Cenu, kabili nokulakutika kuli bakapyunga pa cilimba, kabili nobutantiko ubo ubupangilwe pali abo bantu.

<sup>4</sup> Tuleipusha ukutila Imwe mupale apakalamba abo abali Mukubapo ukwa maka yabu Lesa, pakweshaa beseshe ukwisa muno lucelo, mukumfwa i Cebo cakwa Shikulu, kabili nokupyunga kuli Ena musha Malumbo kabili na mwi—mwi pepo, kabili namukupela ukutotela.

<sup>5</sup> Kabili tuleipusha, mwe Lesa, ukutila Mwalaikata imibili yabalwele na balekabila, abo abalelolela nombalinefye, abendele imilundu iitali ukwisa bapepelako.

<sup>6</sup> Kabili twaipusha ukutila Mwalaloleshafye pali ifwe, kabili landeni kuli ifwe, ukutila fwebali pano muno lucelo tukwate ukupenda palwa mibele yesu. “Ncencenteni,” efyalandile umo pali bakasesema, “kabili njesheni, nokumona nga cakutila muli ububi bumo muli ine.” Kabili nombamba, Shikulu, mukutucencenteni, nga cakutila Mwasanga ububi muli ifwe, tuwamyeni, Shikulu, ngefyo mukuicefya twalapila pamembu shesu nemicitile yesu iyabipa.

<sup>7</sup> Kabili nokwipushafye cimo icakutila Mwalatwibukisha ilyo Mulelolesha pali Yesu, u Mwana Wenu, Uyo uwafwile

ukuti abe icikonsolwelo pamembu shesu napamampulu yesu. Ilyo tulelanda ukutula natucetekela ukutula Afwilile pali ubu ubukabilo, nokwima nakabili, ukutula ifwe twingakwata inshita iikalamba iyakucita ici, muno lucelo. Cifikilisheni ico, Shikulu.

<sup>8</sup> Kabili landeni kuli ifwe ukupitila mu Cebo Cenu icalembwa, ilyo tulelolela ukuya ku ntanshi ukumfwa kuli Imwe. Mwi Shina ilyakwa Yesu twapepa. Amen.

<sup>9</sup> Tulefwaya ukwisula mu Malembo muno lucelo mukubelenga ukufuma mwi Buuku lya Bena Tesalonika Wacimo, chapitala 5. Kabili Ninkwata abo abakwete ifyakwipusha ifya mapepo pamo, muno lucelo, pa citantikwe. Uko, ukupepa kwalacitwa bwangu bwangu panuma yamulimo wa kushimikila. Nincetekela, pakashita fye akanono, kuli imwe mwe baleisula ba Baibele benu, natwisule ku Bena Tesalonika Wacimo chapitala 5, kabili nokubelenga panshitafye iinono.

<sup>10</sup> [Munyina atila, “Salanganyeni ukulongana kwamu mabumba yyesukulu yapa Mulungu.”—Kale.] Munjeleleko. Ilyo muleisula Baibele yenu, cena cili. . . abana tababasalangenye ukuti baye mumabumba yabo ayalekana lekana. Bushe kuti mwaya nomba mu mabumba yenu, imwe mwebana banono na mwemisepele, nabali ngefyo. Kabiyeni mulungame ku mabumba yenu.

<sup>11</sup> Kabili ilyo, nga cakutula imwe nomba, kuti mwabelenga, nangu ukwisula ba Baibele benu ku Bena Tesalonika Wacimo chapitala 5.

<sup>12</sup> Kabili nga cakutula kuti cacitwa ukutula ibumba lyaba cetekelwa epo bali pali ino nshita, Kuti nafwaya ukubamona pakashita akanono panuma yakulongana mwi ofeshi lyaba dikoni, pa milimo imo. Kabili nga cakutula tabalipo, umo abebe ukutula Ndefwaya ukubamona munshita ya bushiku, ilyofye ukulongana takulatampa, mwi ofeshi lyaba dikoni.

<sup>13</sup> Nomba pe sambilisho, Ndefwaya ukubula ici ukuba isambilisho muno lucelo: *Ukuya Kwakupumikisha, Ukwa Munkama Ukwa Chalichi.*

<sup>14</sup> Lekeni Ine. . . mbilisho ico nakabili, pantu Ine nshacikwata inshita iikalamba iya kutantika pakulanda ukuli konse, lelo cacibafye ukwangufyanya fye. Twafumine abacelwa mailo, kabili twaikele mpaka twacelwa ukufuma. Kabili nacangufyanya ukwisa kuno muno lucelo, lelo ici caisafye ku mano yandi. Kabili limbi, kuntanshi, kuti Naikata pa cintu cimo icingacita umuntu umo icisuma. Nalitemwa ili isambililo, “Ukuya kwakupumikisha, ukwa munkama ukwa Chalichi.” Kabili mu Bena Tesalonika Wacimo chapitala 5.

*Lelo pafya nshita nefya kucinja inshita, mweba wwananyina, imwe tamulekabila ukutula Ine ukulembela imwe.*

*Pantu imwe palwenu mwalishiba mukupwilitika ukutila ubushiku bwakwa Shikulu buleisa ngo mupuupu mu bushiku.*

*Pantu lintu bali nokutila, Umutende no kucingililwa; nombamba uboni bwakupimikisha bwaisa pali bena, nga fintu umwanakashi acululuka pakupapa umwana; kabili tabali nokubutuka.*

*Lelo imwe, mweba bwananyina, tamwaba mumfifi, ukutila bulya ubushiku bwinga mipumikisha ngomupuupu.*

*Imwe mwaba... abana ba lubuuto, kabili abana bakasuba: ifwe tatuli abamu bushiku, nangu aba mu mfifi.*

*Eico ifwe twilala, nga fintu bambi bacita; lelo lekeni tube abalola nokuba abatekanya.*

*Pantu balya abalala balala ubushiku; kabili nabalya abakolwa bakolwa mu bushiku.*

- <sup>15</sup> Nombamba Ndefwayafye muloleshe ukupita pebuula, nga cakutila calitantikwa bwino bwino muli Baibele yenu, kuma versi 16, 17 na 18 ayamuli chapitala 4 uwa Bena Tesalonika Wacimo.

*Pantu Shikulu umwine palwakwe akekila ukufuma mu muulu no kubilikisha ukukalamba, kabili pamo ne shiwi ilyakwa malaika mukalamba, kabili pamo ne penga lyakwa Lesa: kabili nabafwila muli Kristu bakabuka mukubalilapo:*

*Nombamba ifwe fweba mweo fwebashala tukolwilwa capamo nabena mu makumbi, ukuya kumanya Shikulu mulwelele: kabili ifyo fine efyo tukaba pamo na Shikulu.*

*Eico italalikeneni umo no munankwe nefi ifyebo.*

- <sup>16</sup> Lekeneni Shikulu alundeko amapalo Yakwe kukubelenga kwa Cebo Cakwe ica mushilo.

- <sup>17</sup> Ici te cintu icicitika lyonse, ukulanda pe sambililo ilili ngefi pa lucelo ilyo Naisa uku—ukupyunga ku balwele. Lelo kuli ubulwele ubukalamba ukucila ku bulwele bwaku mubili. Kabili cena cili icikankala ukucilapo ukutila tube abaundapwa, pali ici icakucitwa icintu icikalamba ico icilepekanishiwa ukucitika, ukucila ukuba uwalala muli Shikulu, ico cili, nimfwa, nga fintu twaishiba. Cena cintu cawamishapo ukuba uwaipekanya. Kuti nafwaya ukuba umuntu umulwele, uwaipekanya ukuba pamo na Shikulu, ukucila ukuba umuntu uwa bumi ubusuma, uushili uwaipekanya ukuya pamo na Shikulu. Lelo nangu cibe ifyo, Lesa ali uwakabila ukutila ifwe twingaba fyonse fibili aba bumi kabili abaipekanya, ku mweo na kumubili. “Pantu Ena alelela amampulu yesu yonse, nokundapa amalwele yesu yonse.” Afwilile pa bufwayo bubili.

18 Kabili nomba, Ndetontonkanya ileelo pali ili isambililo ilya, “Kupumikisha, ne nkama.” Nalitemwa ico. Lesa . . .

19 Abantu bekala ileelo kwatifye, ilyo fye u Kwisa kwakwa Shikulu Yesu takulabako, nga cakutula Ali nokutuma umulalo waba Malaika ukwisa ukuya ku mapepala ya lyashi yonse, kabili, pa mwaka umo nangu ifyo, nokubilisha ico ukuya monse mwisonde, mwipepala lya lyashi, ukutula, “Pa bushiku *bwakuti-na-bwakuti*, Yesu ali nokwisa.” Kabili nokusalanganya ico pacilimba, nokucibika pafitunshi tunshi, nakuncende shonse, ubushiku bulya bwine ne nshita iyo Ali nokwisa. Nomba iyo e nshila abantu bekalilamo ileelo.

20 Lelo, Lesa alilanda mu Cebo Cakwe, ukutula, “Cili nokuba kwati mupuupu munshita ya bushiku, aisa.”

21 Nga ico kuti caba ifyo, abantu kuti batila, nga fintu isonde liletontonkanya ileelo, “Oh, ukuba, kulifye inshita iikalamba. Ine ndi . . .Cena cili nokubilishiwa bwino.” Kabili, lelo, mwamona, cena calibilishiwa, lelo kubilisha kwamu nkama. Ico cilifye nikuli abo abakabila ukumfwa ico. Abo abakabila ukutontonkanya pali ico kabili no . . .abo abatemwa Shikulu.

22 Ndetontonkanya nomba paco Paulo alandile lintu atile, “Kuli icilongwe ca bulungami icabikilwa ine, ico Shikulu, Kapingula musuma akampela pali bulya bushiku.” Kabili nomba alekele. Bushe mwacimona? Kabili atile, “Teine neka, lelo nakuli bonse abo abatemwa ukumoneka Kwakwe.” Nga cakutula twalitemwa ukumoneka Kwakwe!

23 Ilingi line mwisonde ileelo, ukutula abantu batontonkanya ukumoneka kwakwa Shikulu ngeca bipisha, icintu cakutinya. Oh, isonde limbi lili nokwisa ku lyaliko . . .“Wilanda kuli ine palwa ico,” bena efyo bengalanda. Tabafwaya ukwishiba palwa ifyo fintu. Tabasakamana palwa fyena; basakamanafye pa mikalile ya bushiku buno. Lelo bonse abatemwa Shikulu, batemwa ukumoneka Kwakwe.

24 Nga cakutula umo pabatemwikwa benu, imwe bamo mwebantu abakalamba, ukutula banoko baliya, nangu ba wiso bobo, nangu umwana obe, kabili baliya pa myaka iingi, kabili iwe walishiba ukutula bali nokumoneka pa nshita iili yonse? Mulandu nshi, iwe kuti wa wamya ing’anda yonse. Iwe kuti wabafye uwaipekanya nokulalolesha mulya mu musebo, pantu, ulubuuto lonse ulwa motoka ulwaisa, iwe kuti watontonkanya ukutula ni bena.

25 Nomba iyo e nshila iyo i Chalichi cifwile ukulamwenamo u Kwisa kwakwa Shikulu. Fyonse mu mutande, fyonse ifyapekanishiwa, fyonse ifyalongwa kabili ifyapekanishiwa ukuya lilya linefye Aisa, pantu, “Cena cikabafye ni pakashita akanono, mukukapa kapa kwa linso.” Eshafye ukulolesha pa nshita ifyo cisenda ilinso lyobe ukukapa, ifyo efyo cili nokuba

ica kwangufyanya fye ifyo uku Sumbulwa kwa Chalichi kuli nokucitika.

<sup>26</sup> Namwishiba, umulwani lyonse abomfya imingalato iyo—iyo Shikulu abomfya. Namwishiba, lintu amwene ukutila Lesa ali nokukwata i Chalichi calungama, kabili nefintu ifyo Ali nokucita, umulwani abomfeshe inshila imoine. Alikwata ichalichi, kabili alikwata abantu abo ababa aba bukapapa. Kabili babafye abafukama, nga—nga abantu aba bukapapa, pantu alishiba ukutila i Chalichi cakwa Kristu caba munshila imoine.

<sup>27</sup> Kabili alacita ico mu bwikashi wa babulwi. Nalebelenga icalembelwe munshita iyapitapo, pakusansa ukwa kupumikisha ukwa pali Pearl Harbor. Ico tacali, bwino bwino fye, ukusanswa ukuli konse ukushaishibikwe. Bena kale balisokelwe ukutila ba Japs bali nokucita ico. Lelo ulubali lwabulanda lwali, bena bapulwile kuli kulya ukusokwa. Balimwene ifishibilo, kabili ababulwi baku Japan balelongana abene capamo, kabili nefimato ifikalamba fyasendele ifipolo polo, kabili necakutinya cali mulwelele. Kabili bali bwino bwino fye mu mulongo uwakutila babengilile, lelo bapulwile ico.

<sup>28</sup> Iyo e nshila cena cibebelelemo ileelo ne chalichi. I chalichi cili munshila yaku pingulwa, lelo balepululako ku Kwisa kwakwa Shikulu. Eico tekuti mu mupele imilandu Ena.

<sup>29</sup> Batile, lintu caumfwikike kunse ya calo, ukushinguluka, mu Pearl Harbor, ukutila ba Japs bali nokusansa panshita iili yonse, kabili ukutila umulongo uukalamba wabo waikela mu menshi yamuli bamba kabili waleenda panono lelo uwashikimana ukulola ku Pearl Harbor, ukutila bena basekele fye pali ico. Kabili batile, “Ah, fintu fyabulamo amano. Imwe bakakula wabulanda. Imwe mwebasakamana napafintu ifishili ifikankala. Fyonse ifyo imwe mutontonkanyapo fye nipa fya bwafya.”

<sup>30</sup> Kabili munshita ya bushiku, ilyo fye takulaba ukusanswa ukukalamba mulucelo lwakonkelepo, kwali ukushana ukukalamba, nangu amalila yakalamba ayabikilwe mu Pearl Harbor palwaiko. Kabili te mulandu nefyo baeseshe ukulanda apakalamba ukutila ba Japs baleisa, bena balifye abakukana umfwa ku kusokwa.

<sup>31</sup> Natuloleshefye pali yena pakashita akanono. Pali ilyashi ilya pa mulabasa ililecitwa. Kabili ne cipandwa icinono mulusoso lwe pepala, ico icili kwati kulongana kwa bundapishi ukuli no kusalanganishiwa, pa ncende fye iinono, ukutila ama Japs yali munshila mumenshi yamuli bamba, ibumba ilikalamba lyaleya muli ilya nshila. “Ifintu fyabulamo amano,” efyalandile bambi ukutila. “Tatwacetekela mufintu ifyaba ngefyo. Cinshi ico muleesha ukututinyapo?”

<sup>32</sup> Kabili nomba tulesanga, ukuya tulepalamina ku bushiku, Namwene incende ya ku ng'anda mucifulo ca bena ukupekanya ukufuma mu musumba, mulandu nshi, abakashana abaice bonse bafwele amalaya ayapya, nefyaba ngefyo. Baleya kuli uku ukusefya ukukalamba uko bali nokukwata.

<sup>33</sup> Kabili, pamo, ba ofesa abakalamba bamu Bushilika balifye abapamfiwa ukulemba utwa kwendela utunono pakutila abashilika bonse kuti basangwako kuli aya amalila, amalila ayakalamba aya kukolwa. Kabili nefimbaya mbaya fyaleya filenda nokubuluma, ukuletamo ubwalwa bwabo ubwa wamisha, kabili no mwangashi wabo ne fintu, ifya aya amalila. Kabili ne nshita yonse, ibumba lyama Japanese lyali munshila kulya, kabili bafililwe ukumfwa ukusokwa.

<sup>34</sup> Kabili lilyaline akasuba katampile ukutula, kabili na bonse bakolongene muli utu utubale tukalamba utwa mu ncende. Limbi ku lubali ku ncende kumo, kashitisha wamu cikulwa ca bwalwa alewamya icikulwa ca bwalwa nangu icintu cimo, alandile icintu cimo icaba ngefi, “Ntile, bushe namumfwa impupilisho?”

“Iyo, Nshilecetekela Nacumfwa,” efyalandile umuntu alandileko.

<sup>35</sup> “Oh, balelanda icintu cimo palwe bumba ilikalamba ilyama Japanese ilileisa muli iyi nshila.” Kabili nomba umuntu umo umbi aisa ponenamo mulyashi.

<sup>36</sup> Kabili nomwaice, umukashana uwatumpa atolokela palya, nokubika ulukasa lwakwe apa kushitishisha, atila, “Imwe mwensundu shamitwe iyabulanda, bushe tamwishibe ukutila ifwe tuli pano mukukwata inshita iisuma kabili tepakulanda pa nkondo?”

<sup>37</sup> Nga cakutila ico tacilifye munshila iyo isonde lilelandilamo ileelo palwa Kwiswa kwakwa Shikulu! “Iwe we muntu washalila mumicitile, iyakale, cinshi icikulenga ukufwala nokucita kabili ukucitila mumusango ucitilamo?” Lelo tulefwaya icankama, ukumoneka kwakupumikisha ukwakwa Shikulu. Pantu palipo icintu cimo mulwelele, i Mbila iya Mupashi wa Mushilo, iyo iiletweba ukutila u Kwiswa kuli mupepi.

<sup>38</sup> Nomba lintu amalila ayakalamba yatwalilile, kabili, oh, cena cali icintu icabipa bulya ubushiku. Pantu calandile ukutila icintu cimo munshita ya bushiku, basendele namayo umwaice, umukashana umwaice uwapangwa bwino, kabili nokumufula ifyakufwala, kabili nokumubika mwiceleta linono nafwala necakufwalafye cimo icamukati, kabili nokumupisha mu musebo nefyaba ngefyo, bakwetefye inshita iisuma. Kabili ne nshita yonse, ama Japanese yaleya yaleingila, ukuya ukwingila mukati.

<sup>39</sup> Kabili nomba ulucelo lwakonkelepo, lintu abaume abali pamulimo wa ncito, kabili necakulangisha ca ndeke cilemona,

nefyaba ngefyo, balifumine ubushiku bonse, nabakolwa, nokwendauka naba abanakashi nefyaba ngefyo, bali abatulo kabili tabaleumfwa bwino mulucelo lwakonkelepo, ukufuma ku malila ayakalamba, mpaka baiketwe abalala pa ncito.

<sup>40</sup> Kabili Ndi uwatina ukutila cili nokuba muli iyo nshila pa Kwisa kwakwa Shikulu. Ichalichi calisendwa apakalamba no kukolwa mu masakamiko ye sonde, mpaka bena bali nokulala pamulimo wancito, pa Kwisa kwakwa Shikulu.

<sup>41</sup> Kabili nomba pamuulu wa musumba papupwike indeke, namabomba yaponene, kabili bena baonawilefye ulya umusumba, ukuupwisha. Mulandu nshi? Pantu bena bafililwe ukukutika kukusokwa. Kabili ulya namayo umwaice, pamo nabonse abashala, lintu yalya ama Japanese, ababulwi abashakwata uluse baingile mulya, babonawilile mu musebo, nokubaputula mutupimfya ne myele, panuma, nefyaba ngefyo. Pantu nga wakana ukumfwa ukusokwa, kulifye icintu cimo icashala, ico bupingushi.

<sup>42</sup> Oh, nga cakutila uyu America atalile ukuba pesamba lya panshi, nombaline, imisango iyabipa, pali bucaibela bwakwe! I Mbila nsuma yalishimikilwa ukufuma kululamba ukuya kululamba. Kabili ifishibilo nefisungusho fyalicitwa. Kabili ne fisungusho ifikalamba fyalicitwa, kabili batwalililafye mu congo cabo icakusamwa, ukulakolwa, ukupulula, nokulapumya.

<sup>43</sup> Ukufuma mufintamba ifya myanda ibili iya makana mu America, ifya machalichi yaba Protestanti, ico tulefwaya ileelo muli filya ifintamba niba kasesema abakwa Shikulu, abo abashitina ukukalipila kwa bwamaka yakwa Lesa ayabupingushi pali iyi nkulo yabantu balubembu abo tulehimikilako. Tulekabila bakasesema ababa kwati ni Esaya uwabilikishe nokutila, “Ninkulo yababifi!” Kabili ifyo asushishe ilya inkulo, kabili nokubeba pa bupingushi ubwaleisa.

<sup>44</sup> Lelo, ileelo, abengi bakapyunga besu balatina ukulanda ifi fintu. Bena balatina ukupela ubunte bwalungama ubwa kusoka, pantu cena kuti capilibula palwa ncito shabo. Bena kuti basha ifilonganino fyabo, basha ifintamba fyabo. Kabili bena kuti—kuti bafuma baya, nalimo, limbi, nokuya bula ubwiminishi bumbi pa chalichi cimbi nangu icintu cimo. Lelo cilifye icabipisha nganshi icakutila twakwata uyo umusango wa bantu mu fintamba fyesu.

<sup>45</sup> Tulekabila umuntu uwaba nga John Wesley, pali kulya ukucinja kwakubalilapo, Martin Luther. Tulekabila abantu ababa nga Paulo, uyo uulekabila ukupela fyonse, nokuipela abene pa lwabo, nangufye cingapilibula ukupatuka ukufuma kuli ubu ubwikashi, nge nte iya Mbila nsuma ya cine iyakwa Yesu Kristu.

<sup>46</sup> Cinshi ico, ileelo, yalya amasambililo notubungwe utunono utwaangufyanya utwa maka, ne fintu ifikankala

ifya mutubungwe, kabili ne myumfwile yabo abene, yalibula icifulo ica Mupashi wa Mushilo mu chalichi.

<sup>47</sup> Ico tulekabila, ileelo, kulanda ukubilikisha kuli America, kuntu kwatumwa na Lesa, abantu abaisulamo Lesa na Maka ya Mupashi wa Mushilo, abo abashitina ukubilikisha ukulola ku cintu icalubana, kabili nokusoka abantu pa bupingushi ubuleisa.

<sup>48</sup> Lesa munshila iili yonse tekuti aleke ici calo ukukanaba mubupingushi. Nga cakuti Lesa kuti acita ico, Ena kuti aimya Sodomu na Gomorra, nokulomba ubwelelo kuli yena pakuingisha panshi, lintu kwali abantu aba bubi ngefyo. Ifwe tatuli—tatuli abafumishiwako mu cinso cakwa Lesa. Kufyo twaba ileelo, lintu caisa kufikansa fyacalo fyesu, lintu caisa kubuteko bwesu, bwena bwalibola, munshila yonse ukwikala kwabula ubuyo. Tamwaba ubupingushi busuma nakabili, kano fye muli Lesa.

<sup>49</sup> Oh, tutila twashintilila pali ba UN, ba United Nations. Kabili ukucila pa myaka isano iyapitapo, bakwete fifite wanu pesenti uwaba communisti, uwa fyalo mu UN. Tapali nangu cimo ica kushintililapo lelo kano pa Cebo cakwa Lesa wa mweco. Teti tushintilile pa cintu nangu cimo nomba, nangu fye pafikansa fya calo.

<sup>50</sup> Naliba mukweshiwa pa myeshi itatu nangu ine iyakulekelesha, pesamba lyakusanswa ukukalamba, ukweshu ukumpela imilandu pakucita icintu cimo ico icalubana, ukupitila mukupisha ulupiya ukupita muli ili ihema pano, pa kulongana. Ico, ibumba lya bacetekelwa pano lyalembela icakulanda. Kabili takwaba umuntu uushatala asangwa mukulongana kwandi lelo ico Nabilisha pa lwalala cakutila ulu ulupiya lwatwelwe pa yesu...mukulongana kwesu, fyali ifyapita mu chalichi. Kabili nomba batila, pantu Nabikile ukupitila mu chalichi, Nalesha ukwibila ubuteko, kabili bafwaya ukunkaka imyaka amakumi yabili mu Fort Leavenworth, ku Kansas, pali ico.

<sup>51</sup> Natile, “Lishiwi nshi lyalembwa mulya mayanda yafilye fyesu—fyesu, ‘Pabupingushi busuma?’ Cilepilibula ukutila ifyo fine efyo cipilibula nga teifyo ng tacatala acilembwa mulya.” Natile, “Lintu ifintu fyonse ifyo abantu benu banjebele ukucita, Nalicita ico. Kabili nomba muletila bena tababa nobuteko nakabili. Kuti caba shani imwe? Mwapwisha cimo kabili mwacisuminisha, nomba pano bena bali nokufwailisha icintu cimo cimbi.” Teico ceka, lelo bena baba abakukana landa bwino.

<sup>52</sup> Nalandile ici mufilye fyacalo. Natile, “Nga cakutila kommunistu yalikwete ubwina Kristu muli yena, Ine kuti naba umukommunisti.” Lelo Ine tekuti mbe, pantu yena ilakana ubwina Kristu.



53 Eico Nakwata ukuboko kumo ukwa kwikatilako, uko e kuboko kwakwa Lesa ukushicinja, ukwishiba ukutila Ali nokucindika icine no kucindikwa. Cena cili nokwisa fikilishiwa, mukupingula kwa cine.

54 Lelo ukuleka imwe ukwishiba ukutila takwaba isubilo ukuli konse, kanofye mu Kwisa ukwakwa Shikulu.

55 Oh, bwena bushiku ubo ifwe tuleikakalamo, bwaba ni—ninshita iyabipa! Lintu, icintu conse ica kumubili, nangufye ku chalichi palwaciko, ku bantu bamu chalichi, ifilonganino fyamu chalichi, baliba abasakamana palwa utunono twabo—utunono twabo utwapusana, mpaka bakana nokukwata isenge lya umo no munankwe, kabili nokukana umfwa ukusokwa ukwatila u Kwisa kwakwa Shikulu nakupalama.

56 Abantu ababa nga Billy Graham, na Jack Shuler, na Oral Roberts, kabili nabengi ba kasabankanya ba mbila nsuma abakalamba, kabili na Charles Fuller, uyo uwakwata ukushimikila ukufika kwisonde lyonse, balacita fyonse ifyo bengacita, ukusoka pa Kwisa kwakwa Shikulu. Kabili nabonse abantu palwabo, abantu abesha ukucita icalungama, e bantu abo ubuteko bwesu bwine bwesha ukuputaula mutupimfy.

57 Natile kumuntu umo, “Mista, imyaka amakumi yabili na cine konse konse iya mweo wandi, Nalambalala pa cipailo cakwa Lesa, ukwisha ukucita icalungama. Kabili Ndefwaya umuntu umo ukundolesha mu linso, kabili nokunjeba nga cakuti Nalitala patikishapo umuntu palwa cintu icili conse, nangu ukutala ukwibapo icintu icili conse mumweo wandi. Ukupitila mukusenamina ukwakwa Lesa, Naliba uwa kaele.”

58 Ico cilepilibula ukutila tapali nangu cimo, kuli ico, ukucila pakulisha iminwe. “Uwe uli wamulandu, nangu cibe ifyo! Kabili iwe uli kateka walucu mu chalichi cobe! Ulalisha iminwe yobe kabili ichalichi cicita ifyo wabeba ukucita!”

“Oh,” Natile, “ifyo abantu baba abashalungama?”

59 Atile, “Wapele abantu ifyabupe lintu amayanda yabo yapile. Apa pali amaceki yobe apo upela bamukamfwila imyanda iyama dolla, kabili nokubalipilila inkongole shamayanda, nokucita ifintu ifyaba ngefyo.” Atile, “Bushe walile kwibumba lyabakalamba bachalichi cobe nokubeba ukutila wali nokucita icintu caifyo?”

Natile, “Iyo, mukwai.”

“Cinshi tawacitile ico?”

60 Natile, “Shikulu anjebele, mu Cebo Cakwe, “Taufwile ukuleka ukwakulyo kobe...ukuboko kobe ukwa kukuso ukwishiba ico ukuboko kobe ukwa kukulyo kulecita.”

61 Atile, “Nomba uleesha ukupapatila umulandu obe ukupitila muli Baibele, kabili ifwe tulekupingula ukupitila mwi funde.”

<sup>62</sup> Natile, “Bushe ifunde ilya kulishapo ni lisa, ilya muntu nangu ilyakwa Lesa?” Ine ndi nokubula ifunde lyakwa Lesa.

<sup>63</sup> Iinono fye, ibili imyaka iyapitapo, Nali pakutusha kwandi, nali pa bulendo ukubwela.

<sup>64</sup> Muno mu Indiana amafunde yakwendelapo yaba niba mailoshi amakumi mutanda na yasano pali ora imo mu nshita ya kasuba, kabili ico ni munshila ishikalamba, inshila ishakuyendelamo. Kabili caba ba mailoshi amakumi mutanda muli ora munshita ya bushiku, panuma ya kasuba kawa. Ifyo eflyo caba namu Kansas. Ifyo eflyo caba namu Illinois. Ifyo eflyo caba namu Colorado. Ifyo eflyo caba namu Idaho. Ifyo eflyo caba namu Wyoming.

<sup>65</sup> Kabili munshila pakubwela, panuma iyakwikala mumfula yabuta panshiku ishing'i iyacimwela icikalamba; kabili elyo Naipeyefye insansala, kabili Nali pmusebo ukubwelela ku ng'anda, ukuipela kuli bacibusa bandi. Kabili Naliangufyanya ukwasha ukucila icimwela cikalamba cimbi icalifye kunuma yandi, nga teifyo kuti Naikala nakabili, ne nama kuti yaonaika.

<sup>66</sup> Kabili Naabwike ukufuma mu Wyoming, nokwisa mu Nebraska. Nali kwati ba mailoshi amakumi yatatu pa muulu, mukati, ka musebo. Kabili mukupumikisha fye, Naloleshe kunuma, kabili Namwene ulubuuto lwakwa kapokola ulwakashika. Kabili Nshatalile njikatwapo mu mweo wandi. Eico, Natwalililepofye ukuya. Naloleshe panshi, Naleendela pali ba mailoshi amakumi mutanda pali ora imo, ukufuma pa... makumi yatatu nangu ba mailoshi amakumi yane ukufuma mu—mu musumba uuli onse. Kabili ukuyafye mu musebo uukalamba, uwakwata inshila shine munshila ikalamba. Kabili, Namwene, ba mailoshi amakumi mutanda pali ora imo. Naloleshe kunuma, kabili atwalililepo ukunkonka panuma. Kabili Naloleshefye.

<sup>67</sup> Kabili Namwene ulubuuto lwakashika lwaaka, kabili Natontonkenye ukutula, “Ukuba, cinshi ico talempitilila? Nakwata incende iikalamba.” Kabili Natwalililepo ukulolela. Naponese iwinda panshi, kabili Naumfwile ukulila kwa ciunda. Ukuba, Natontonkenye ukutula, “Ninselako ukulingana napo Ningafika.” Kabili aishile ncilila nokunjimika.

<sup>68</sup> Nafumine muli motoka. Natontonkenye ukutula, “Limbi kuli imbila imo iyo Nshacumfwa pa cilimba, limbi ku ng'anda, ku mukashi wandi nangu kulupwa.” Kabili Nafumine muli ilya motoka, ukubafye uwakaele ngeflyo Ningaba.

Atile, “Ndetontokanya iwe nausunguka pamulandu Nakwimikila?”

Natile, “Nifyo fine, mukwai.”

<sup>69</sup> Kabili atile, “Waciba uletoba amafunde ya kubutukilapo.” Atile, “Bushe nawishiba apo wacila endela?”

Natile, "Ee, mukwai." Natile, "Nacilaenda ba mailoshi amakumi mutanda pali ora."

Atile, "Ico nacilungama. Kabili ico kutoba amafunde."

Natile, "Bushe te makumi mutanda na yasno mu . . .?"

<sup>70</sup> "Iyo, mukwai." Atile, "Yena yaba amakumi yasano na yasano kuno. Iwe wacilabutuka ba mailoshi basano ukucilapo pa kubutuka kwapimwa."

"Oh," Natile, "Mbeledeniko uluse. Nshacipilibula ico."

<sup>71</sup> Atile, "Mpela icitupa ca kwensheshapo. Nangishafye icitupa cobe."

<sup>72</sup> Kabili Nafumishe mwitumba lyandi. Kabili lilya line fye amwene ishiwi ililetila 'shimapepo,' amenso yakwe yaakile no mulilo. Ena abulile ibuuku lyakwe no kutendeka ukulemba itiketi ilya pa ma dolla amakumi yabili na yane nama senti amakumi yasano.

Natile, "Bushe walampela itiketi?"

Atile, "Naulungika! Nalakupela itiketi!"

"Ukuba," Natile, "mukwai, cilifye icalungama. Lelo Nshamwenepo icili conse."

<sup>73</sup> Atile, "Oh, pali icishibilo palya kunse ya mupaka. Iwe nga wacicimona ico."

<sup>74</sup> "Ukuba," Natile, "Nalikala muli fine ifya- . . . ukutelemuka kwamfula yabuta panshiku shine, kabili limbi Nshamwenefye ico, mukwai."

Kabili atile, "Nacilungama. Bushe naukвата ulupiya?"

Natile, "Yalifye ama dolla ikumi limo na yabili."

<sup>75</sup> "Ukuba," atile, "iwe walaikala pano mpaka ulipile." Ninshi cali ni teni koloko mu bushiku, nangu ilebeni.

<sup>76</sup> Natile, "Mukwai. . ." Namwebele fyonse, ifyali ifyalubana, nefyaba ngefyo. Ico tacapilibwile icintu nangu cimo kuli ena. Eico Nalembele imilembele ya cine, ukutila Nkabatumina ulupiya.

<sup>77</sup> Lintu Nafikile ku ng'anda, Nalembele ubupingushi ubwa musumba uunono, uwakwa ulya shimucindikwa munono untu Nali nokutuminako. Kabili Namwebele. Natile, "Mukwai, Nabika amakumi yabili- . . . nalimo imyaka amakumi yabili na isano," pali ilya nshita, "imyaka amakumi yabili na mutanda mukubombela Shikulu, ukweshu ukupilibula ba nccitatubi kuli Shikulu Yesu, ukweshu ukucingilila umweo obe nga ofesa, ukweshu ukupanga amabumba ya bantu ayasuma, kabili ne ncende iisuma iya kwikalamo, kabili no busuma ku ndupwa shesu. Nalibomba pa myaka amakumi yabili muli uyo umulimo. Kabili Nacilufyanyafye ukutoba amafunde yobe. Ndeumfwa ukutila ufwife wanjelela pali ico." Natile, "Lelo

ofesa wenu tatontonkenye pali ico, nakalya. Ico, limbi alingile ukucita, nokubomba imilimo yakwe. Lelo Ndeipusha iwe, nga kapingula. Te lupiya; lelo cipope. Ukupingulwa ukwakubalilapo ukulipila, kabili neci cafuma pa lupiya luntu abantu bampela ukwikalilamo, ukupitila mu chalichi.” Natile, “Nga cakutila kuti waba uwaluse nokunjelela pali ico, Ndi nokutotela. Nangu cibe fyo, pano pali ceki iyalembwapo nokusuminishiwa, ukutila iwe wingeshiba ukutila cena—cena cili icalungama.”

<sup>78</sup> Munyina, ena alembelepo fye ishina lyakwe ukucilinganya pali cena nokusenda, uwabula umulandu. Mulandu nshi? Mulandu nshi? Kabili nomba, ukupitila mu mafunde aya onaika, kabili na bukapepa bwakupingwila libela, bamo baisanga nabu kepaya. Efyo caba.

<sup>79</sup> Lesa tekuti aleke i Chalichi Cakwe ukwikala panshita ntali neifyo ifintu ifyaba ifyo. Kabili ne sonde ukuba ilyaonaika. Kabili nefikansa fyacalo ifyaonaika. Kabili ne chalichi naco icaonaika. Ico tulekabila, ukucita ukucilapo palwa ico, cili bantu abatina Lesa ukwikatana capamo nokwita pe Shina lyakwa Shikulu. Ico eco i Hema lyakwa Branham lilekabila ukucita. Oh, Ine kuti . . .

Ukuloleshafye nokumona Nalikwata ifingi ifya kucita kuntanshi yandi.

<sup>80</sup> Kabili nokutontonkanya pabwingi bwafyo twingalanda apa, pa nshila iyo ichalichi cileendelamo; ifyo balelekelesha imibele iisuma iya bantu, ifyo baleka bena ukwikala, nokuya mukushana kabili nokulasunkana ukuya ku ntanshi-na-kunuma, nokufwala munshila iyo balefwailamo, kabili—kabili ne fintu fyonse, kabili nokutwalililapofye munshila imoine, ba kashimikila abapelulushanya.

<sup>81</sup> Ico tulekabila ni ilya imicitile yakale, abatumwa na Lesa, bakashimikila abafyalwa abamu Muulu abo abali nokulanda i Cine temulandu na untu cacena. Kwati Yohane, uwatile, “Isembe nalibikwa pamushila wacimuti.” “Kabili ne cimuti conse icishingatwala ifisabo ifisuma kucitema nokuciposa mumulilo.” Tulekabila ba kashimikila, bakasesema ababa ngefyo, abo abengomapo, nokubomfya ubupingushi bwakwa Lesa nge mpolopolo, ukonaula, muli iyi imibele yaonaika intu tuleikalamo.

<sup>82</sup> Imwe tekuti mufumyepo ulubembu ukupitila mukulupampansa panuma. Tekuti mufumyepo ulubembu ukupitila mukusambilisha abantu. Ubutantiko bwesu bwaliba ubwaonaulwa kabili bwalifilwa. Kulifye inshila imo iya kwafwilisha ku lubembu, kabili, iyo ili, Kristu e nshila ya bwafwilisho. Kabili te Kristu ukupitila mukulanda kwa mano, lelo kupitila mulubatisho lwa Mupashi wa Mushilo, ku Mweo upya kabili nokupilibulwa cipya cipya. Iyo e nshilaafye imo iyakwafwilishiwa kulubembu, inshila imo iyakwafwilisha icalo.

E nshilafye imo iyakwafwilisha ichalichi. E nshilafye imo iyakwafwilisha abantu.

<sup>83</sup> Pano pa nshita iyapitapo...Ndetontonkanya imwe mwebantu abengi abenda mwalifikako kulya. Nalikala ubushiku bonse kulya pa miku iingi, pa bulendo bwandi ubwakuya ku Mboshi. Ubo Ndi nokuya umulungu ukakonkapo, ukupoka ukusuminishiwa ukwa kuya ukufuma ku buteko. Nabanjikatilila kuno. Apo, nga cakutila kuti bantuma naya, kuti bansanga pano pene. Kabili Mfwile naya ku kulongana ukwingi kulya ku West Coast. Kabili Shikulu nga asuminisha, Ndi nokupita muli uyu umusumba uunono uwitwa West Memphis, Arkansas. Wena wabafye ukwabuka umumana ukufuma ku Memphis, Tennessee. Kabili muli iyi incende balefwaya ukuposa ba milioni babili na citika wamadolla pakupanga umwakucimfyanisha ulubilo, no mwakuteela injuka. Ba milioni babili kabili naumo na citika amadolla, ukubweshesha pesamba, kabili nokonaula, kabili nokutuma imyeo kumbo. Kabili nomba nokwikata abantu abali kwati Billy Graham, Oral Roberts, ine palwandi, nabo bonse abalecula pamulimo wakwa Kristu, pakupisha ulupiya lwa cine ukupita mu chalichi, kabili nokufwaya ukubakaka mucifungo ca calo pa myaka amakumi yabili. Cena lyonse caba bufwayo bwe sonde ukucita kwati ngefyo.

<sup>84</sup> Natile, “Imwe...Nalikwata ba munyinane ababa mucifungo ca calo.”

<sup>85</sup> Kabili umo pali balya ba ndubulwila atile, “Walikwata ba munyina obe mucifungo ca calo?”

Natile, “Nalikwete.”

Atile, “Bali nibani?”

<sup>86</sup> Natile, “Umo pali abo ni Munyina Yohane, mu Alcatraz, pa cilila ca Patmos. Kabili umbi ali ni Munyina Paulo, mu cifungo ca calo mu Roma. Kabili na Munyina Daniele, naena ali ng’anda ya cifungo.”

<sup>87</sup> Kabili na Munyina Yosefe, pantu bamubepeshe pa cintu cimo ico ali uwakaele, abombele imyaka, mukwesha ukuba umubomfi uwacine kuli Potifa, kabili umukashi wakwe amubepeshe ubufi. Kabili alisekelwe, nokumubika mucifungo pa myaka, mpaka imyefu yakwe iyapamuulu no mushishi wakulile ukuba uutali, mpaka ena tatalile...Nangufye ukumubeya, pakumusenda ukumutwala kuli Farao. Icine cine. Pali cinshi, pali conse icalubana? Pantu cali pamulandu wakwa Kristu! Bwino bwino fye!

<sup>88</sup> Kabili nomba ukuposa ba milioni babili kabili umo nacistika pakupanga umwa kubutukila, nokonaula nokutuma imyeo kumbo. Pakulanda palwa kwa Lesa ukwisa bwangu bwangu!

<sup>89</sup> Lelo abantu baku Arkansas bacitilepo cimo palwa ico. Ichalichi conse, Ndetontonkanya, pabula nangu ikumi ifilonganino ifya pusana pusana mu bwikashi bwa bantu, bonse baishile capamo nokutila, “Cena cintu calubana. Kabili tatuli nokukwata ico.” Kabili bapangile ukulongana kwa mumapepo, kabili babulile ubwingi ubwa mapepo, mukasuba no bushiku, mu bushiku nakasuba nakabili. Kabili lintu bakapingula na bantu ba buteko, kabili bonse baile ku cilye ulucelo lwakonkelepo, ukupwisha ico, nga cakitula kuti bakula ico nangu iyo, bali bakumenye, kabili calicimfiwe. Amapepo yalapilibula ifintu. Nshilesakamana ifyo isonde lingaba ilyaonaika, ifyo icalo cesu cingaba icaonaika, icalo cesu caba, abantu besu; amapepo yesu yalapilibula ifintu.

<sup>90</sup> Lelo tatwaba abasekelamo mu mapepo nakabili. Twalikwata ifintu ifingi ifyo tufwile ukucita, eico tutontonkanya.

<sup>91</sup> Kabili nombamba, te ico ceka, cali ukutila incende yakubutukilamo isushiwe, lelo cena pamo capwishishiwe ukutila tabafwile ukukwata ico, mu mibele ya Arkansas, takwaba icintu icaba ngefyo nakabili pa myaka ne myaka iya kuntanshi. Mulandu nshi? Pantu abantu abo abetwa pe Shina Lyakwe balongana abene palwabo capamo no kupepa.

<sup>92</sup> Oh, ico tulekabila ileelo kwitwa capamo, nokuba abaipekanya. Kabili te kushintilila pali kashimikila, lelo pali iwe, nga umo ku cinso cakwa Lesa, ukuba uwaipekanya palobe pa Kwisa kwakwa Shikulu, ukubutuka konse uku ukonaika.

<sup>93</sup> Te mulandu nefyo bakwita, kabili nemicitile iyo bacita, ico tacininja Lesa napanono. Lesa ali nokucita ico, cimo cinefye. Ena aleshintilila no kulolela pali ifwe. Oh, owe!

<sup>94</sup> Abantu bamo batila, “Ukuba, Ndaya ku chalichi pa Mulungu ulucelo. Ndakutika kuli kakumba wesu, uyo uwaba kashimikila umusuma.” Ico cisuma. Ndetotela ico. Kabili niwe America, isonde, onse untu cingaba. Lelo cena cisendafye ukucila pa mbila iisuma ukufuma ku cintamba. Cena cisenda umweo obe. Cisenda iwe, ukubaa uwaipekanya.

<sup>95</sup> Mu Kusokolola chapitala 19, na versi 7, Baibele itila, kulanda pali Nabwinga wakwa Kristu, “Ena naipekanya pa Lwakwe umwine.” Naipekanya pa Lwakwe umwine. Kabili iwe, nga membala wakwa uyu Nabwinga, ufwile ukuipekanya we mwine palobe.

<sup>96</sup> Panshita imo iyapitapo, kapyunga aleshimikila. Kabili—kabili kwali umuntu uwaleisa muchalichi cakwe, oh, panshita ntali. Kabili aishile mulucelo lulya ku cipailo. Kabili atile, “Kakumba, Ine nombamba ndefwaya ukupela ubunte bwandi kabili nokucimba kwandi kuli Shikulu Yesu, ico Nacitile ubushiku bwafumineko.”

97 Kabili kakumba atile, “Ukuba, Ndi uwansansa pakumfwa pali ico, Yohane. Ukwishiba ukutula mukulekelesha wasala ukwisa wemwine nokuipela kuli Shikulu, pantu tatufwaya ukucena imyumfwile yobe, lelo twalishiba ukutula iwe waliba uwabipisha nganshi. Kabili twalishiba ukutula tawasunga bwino ulupwa lobe. Mulupiya lobe waliteelamo injuka, kabili lwapwile mukunwa ubwalwa, nokwikala ubwikashi bwa bipa, kabili nolupwa lobe lwaikele ukwabula nangu cimo. Kabili cena capele umutima wandi ukusangalala muno lucelo, ukwishiba ukutula waisa nokuipela nomba kabili nokucimba palobe kuli Shikulu Yesu, ukuba umuntu uwaibelako, uku Mubombela.”

Atile, “Natotela, kakumba.”

98 Atile, “Nomba cinshi fye...Ndefwaya ukukwipusha icintu cimo. Lisambililo nshi Nashimikile, nangu mutwe nshi Nabomfeshe, kabili, nangu lwimbo nshi ulwaimbilwe mu chalichi, mu nyimbo shakulumbanya, ico icalengele iwe ukupanga ubusalo ukucita ici?”

99 Kabili nga fintu umuntu alelolesha pali ena, pacinso, nefilamba filekonkoloka ukupona pamatobo yakwe, atile, “Kakumba, tacali ku sambilisha kobe ukuli konse, nangula, yena yali ayasuma nge fintu yali. Tacali ni bakemba ukwimba, nangu ukwimba ukwaibela, nangu kwali ukusuma ifyo kwali.”

100 Atile, “Nomba kuti waeba ulu ulukuta ico upangile ubu ubusalo?”

101 Atile, “Ndabomba pamo no muntu uwaba umwina Kristu, kabili Nalilanda ifintu fyonse kuli ena. Nalemwita kakunkuluka wa mushilo. Nalemwita kapepa wapena kabili ne fintu fyonse, kabili tacamusakamike napanono. Lelo aikele ubwikashi ubwaba ifyo mpaka mukulekelesha, mu mutima wandi, munshita yonse, alikwatamo incende, ukutula Mfwaya ukuba nga ulya umuntu. Kabili uyo wine e mulandu Namwipwishe ukutula antungulule kuli Kristu. Nalefwaya Kristu untu abombela.”

102 Mwamona, Lesa abombela ukupitila muli kakumba, ukulenga i Chalichi Cakwe ukuipekanya. Abombela ukupitila mu nyimbo, ukulenga i Chalichi Cakwe ukuipekanya. Kabili Abombela muli iwe ukulenga i Chalichi Cakwe ukuipekanya.

103 Nga cakutula kakumba obe kuti afilwa, kabili atwalilapo ukufilwa, iwe kuti wafwaya kakumba umbi. Mukwangufyanya iwe kuti wacita ico. Nga cakutula ba kemba bobbe tabaimbile icalungama, nangu balya abemba umo umo tabaimbile icalungama, kuti walanda kuli katungulula, umo ulya uutungulula inyimbo, “Tamufwile ukuleka baimba nakabili. Banengafye ukuba uwa mwenso, mukwimba.”

104 Lelo nga palwa iwe nga we umo? Nimumusango nshi ufililwamo mu bwikashi bobbe ubwa cila bushiku? Nimumusango nshi utwalililamo pamo na Lesa, paco Lesa alanda kuli iwe

ukuba, u Lubuuto uluabengeshima ulwikala pa lupili? Takuli nangu umo uwingapita muli iyo nshila, ukuba, ukuya munshila yobe, ukwabula ukwishiba palwa kwa Yesu. Musango nshi uwa bwikashi iwe wikala, umo umusango uyo uwaba uwakaso, uwakutukana, kabili uwakuleta ifyongo, uwa bucaibela? Nangu, bushe kuti walanda pa mutende no kutemwa uko wasanga muli Kristu?

“Ena naipekanya umwine pa Lwakwe.”

<sup>105</sup> Ine nimilangisha ububifi. Kabili nenshita tekuti. . . tekuti insuminishe, ukupita munkulo, nokulangisha ico cila nshita, kwati mu Babyloni mubushiku bwafyongo, kabili bareshana nokukolwa, nefyaba ngefyo, kabili cinshi icacitike. Kabili ukupita munkulo cena caba muli iyo nshila. Munkulo yonse Lesa alikwete ba kasesema abaluma, ne fishibilo ne fipesha mano, ukususha icintu icali pakati ke bumba, kabili nokwimininako Lesa eka.

<sup>106</sup> Teico ceka, lelo nga cakutula Nalanda panshita iyaba Stefani munono, te kasesema, te kakumba, ni membalfaye uwa Mubili wakwa Kristu. Ifyo uyu umuntu umunono aiminine ku cinso ca Kabungwe ka Sanhedrin lulya ulucelo, nokulanda kuli abo abalemususha, nokutula, “Imwe mwebatalama imikoshi, mweba shasembululwa mu mutima na mumatwi. Imwe lyonse mulakana Mupashi wa Mushilo. Nga fintu ba wisu bacitile, efyo naimwe mucita.” Tali ni kakumba.

<sup>107</sup> Iwe tekuti wenekele kakumba obe ukucita ico. Iwe tekuti wenekele ibumba lyobe ilya bacetekelwa, nangu pe bumba lyobe ilyaba dikoni. Iwe ufwiile waipekanya palobe we mwine weka. Mulimo wa muntu umo.

<sup>108</sup> Kabili, ibukisheni, u Kwisa Kwakwe kwa kupumikisha nganshi, ukutula i Chalichi cili nokuya mukukapa kwa linsu. Kabili nga cakutula twamona ulubembu konse konse, kabili no bupingushi bulelolola, namato yabulwi ayabukali bwakwa Lesa yaleisa, nimumusango nshi twingabutukilamo ici? Ifishibilo filemoneka. Yesu aleisa. Kabili ifisungusho fikalamba filecitwa. Conse icakusontelela cilesontelela pa kwisa Kwakwe nombu, kabili cikacitikafye pakashita akanono.

<sup>109</sup> Nimumusango nshi twimininemo, muno lucelo, ilyo tuletontonkanyapo? Nga cakutula kuti twalandwako, muno lucelo, kabili na Shikulu Yesu aikila ukufuma mu myuulu, muno lucelo, no Kubilikisha ne Penga lyakwa Lesa, bushe kuti twasangwa abaipekanya, ngo mubili ichalichi? Bushe kuti twasangwa abaipekanya, nga cila umo, ukuba pamo na bonse abo aba bushiwa ukufuma ku bafwa, abo abaishininkisha palwabo beka ukuba abaipekanya? Te mulandu nga cakutula tuli abaipekanya nangu iyo, Shikulu Yesu ali nokwisafye mu musango umowine pa nshita iya sontwa. Tufwiile ukuba



abaipekanya kabili tufwile twacita ico nomba. Te nshita yakulolela. Tufwile twalinga inshita nokuba abaipekanya.

<sup>110</sup> Inshita imo iyapita, ilyashi (ilyo fye tatulaisala) ilya nsungwishe, lintu Nalyumfwile, iingi, iing imyaka iyapitapo.

<sup>111</sup> Uku u Kwisa kwamunkama ukwakwa Shikulu; ukwa kupumikisha, ekuya kwa munkama ukwa Chalichi. Moneni! “Kukaba babili mwi bala; Nkasendapo umo nokusha umo. Kukaba babili mubusanshi; Nkasendapo nokushapo umo.” Ukulangisha ukutila u Kwisa kwakwa Shikulu takwakabe fye mulusoso lumo, lelo kukaba isonde lyonse. “Umo akaba mwibala, alebomba,” mu nshita ya kasuba. “Umbi umo akaba mubusanshi, nalala,” kulubali lumbi ulwe sonde. Kukaba Kusendwa kwa mwi sonde lyonse, kabili kukesa neca Kubilikisha, ne Shiwi ilya kwa Malaika mukalamba, kabili nokulila kwe Penga ilyakwa Lesa likomfwika. Kabili nabafwila muli Kristu bakema. Kabili Bakasendwa, munkama. Oh, Nalitemwa ico! Shibwinga mukalamba ukwisa, kabili na Nabwinga ali uwaipekanya pa Lwakwe, ukulolela pali ilya nshita iya munkama iyo nokwishiba Taishiba, pa Lwakwe umwine. Lelo Ali uwaipekanya, nafwala, ukulolela pali ico.

<sup>112</sup> Natumona ifishibilo Fyakwe mwisonde, ukutila naipekanya pa bupingushi. Tulemona ifishibilo ne fisungusho mu Chalichi, ifintu ifikalamba filecitika. Tufwile ukuba abantu bamusango shani? Abaipekanya pali ino nshita, pantu tatwishibe lintu Ali no Kwisa. “Imwe mube pamo abaipekanya, pantu tamwishibe miniti nangu ora intu Shikulu wenu aleisa.” Mube abaipekanya! Pantu, teti mube abaipekanya nomba, pantu Alandile ukutila imwe tekuti mube.

<sup>113</sup> Nibanga pali imwe, limbi bonse, ababelenga pali banacisungu? Bamo bali aba mano bambi bali fipumbu. *Nacisungu* cilepilibula “uwapwililika.” Bonse bali abantu abasuma. Cila umo pali bena, ali ni nacisungu, ifipe ifya shishiwa ifya kwa Lesa. Lelo balya abakwete Amafuta mu nyali shabo, baingile mukati, nabambi bashela panse. Bonse bali niba nacisungu, cila umo. Abantu abo tawingasontamo no munwe obe, pa cilubo icili conse. Bena, cila umo, acetekele mu Kwisa kwakwa Shikulu. Bali abaipekanya ukuya muku Mukumanya, lelo bamo pali bena balekele Amafuta yabo yapwa.

<sup>114</sup> Taufwile ukuleka ico ukuba umulandu obe. Ulesunga Amafuta mu nyali yobe. Amafuta mu Mupashi, Mupashi wa Mushilo. Taufwile ukuleka Wena ukufuma pali iwe. Lintu waumfwa ukutemwa kobe kuleya kulepwa, icishinka cobe muli Kristu kabili pa—pa Mulandu ulecitila ico, mukwangufyanya kabiye kuli Ena Uyo uwakwata akafukauka ka Mafuta nokushita kuli iwe we mwine ukwisushiwa kwa Mupashi wa Mushilo.

<sup>115</sup> Icalo cesu naconaulwa, icaonaulwa mukukana kwata imisango iisuma kabili icashala amapopa. Ifikansa fya calo fyesu, fyalyonaika kabili ifyafwa. Intungulushi shesu, O mwe Lesa, cinshi ico twingacita palwa ico? Imwe kuti mwabikamo umuntu umusuma, kabili aisaba incenjeshi.

<sup>116</sup> Kulifye Umo untu twingaleta nomba, uyo ni Shikulu Yesu. Lekeni tuipekanye pa Kwisa Kwakwe.

<sup>117</sup> Ndefwaya ukumyeba ilyashi ilinono ilyo Naumfwile pa myaka iyapitapo; mukwisalila. Uku ukupumikisha, u Kusumbulwa kwamu kwangufyanya ukwa Chalichi!

<sup>118</sup> Nomba mwatila, "Ifintu fimo fili nokucitika, nomba Ndi nokuipekanya." Ipekanye nomba. Ninondololaafye kuli imwe pali Pearl Harbor napa ncende ishingi umo baakene ukumfwa ukusokwa. Bakene ukumfwa kuli ico. Tapali nangu cimo icashele kano u bupingushi bwa Maka pa bantu. Nomba, bonse abo abashakaye kuli Kristu bakaba pesamba lya bukali bwakwa Lesa no bupingushi bwa Maka yakalamba. Mukwai tamufwile mwaleka ico ukucitika kuli imwe.

<sup>119</sup> Te mulandu neco i Hema lya Branham lingapilibuka ukuba, ico tawfwile waleka caba niwe. Iwe ube umubomfi wakwa Kristu. Temulandu neco ichalichi ca mwisonde cacita, iwe ube umubomfi wakwa Kristu. Cena tacili pe Hema lya Branham, nangula ukuba kuli conse ichalichi. Cili pali iwe, nga we umu, ukuba uwaipekanya pa Kwisa kwakwa Shikulu. Ufwile ukuba uwaipekanya. Mfwile ukuba uwaipekanya. Mfwile napyanga muntampulo shandi shine. Cili kuli iwe ukupyanga muntampulo shobe. Leka ishandi shibe sheka; naine ukuleka ishobe shibe sheka. Iwe ufwile ukupekanya icakufwala cobe ukuba icapekanishiwa.

<sup>120</sup> Kwali kasunga wa nama umukalamba, kabili akwete umwa kusungila umukalamba, kulya ku lubali lwa northern Colorado, mupepi nolubali lwa ku mpili.

<sup>121</sup> Nga fintu imwe bonse mwaishiba, Nalibombapo ukusunga kwa nama panono mu mweo wandi, nangu ukwendapo nefyaba ngefyo. Kumo ukwitwa kwandi kuli Lesa, naikele pa fyakufwala fibili pakwensha kabalwe ifyakale ifyamu Texas, ne mfuti nailambalalako pa cakwikalapo nakafuti akanono kulubali lwandu; lintu Naumfwile ifimuti filepunga ku mwela, iciunda kwati li Shiwi ilyatile, "Adamu, nikwisa uli?"

<sup>122</sup> Kabili lintu Naloleshe ukulola ku ntanda, kabili Naumfwile Slim umukalamba, kenda wapa finama umukalamba ukufuma kulya ku Texas, alepisha mucisakulo nakapimfya kacipepala (Palya pacapindama apo u Mulubushi wandi afwile, nali palya ukuwaminishiwa ukufuma ku lubembu Nalandile; Palya ku mutima wandi epo u Mulopa Wakwe wabikilwe; Ubukata kwi Shina Lyakwe), Nafimbile ubulangeti pa cinso candi ukweshwa

ukuifisa ne mwine, pantu Lesa alelolesha panshi muli shilya impili.

123 Cali nipali imo iyakusungilamo inama, uko utwampani utukalamba twisa mukushita ing'ombe shabo, ukubapisha mu mpili, kabili ukushileta panuma utwana natufyalwa, mu—mukupwa kwa mwaka, nokubika ifishishiko pali shena, nokushitishapo ing'ombe shimo ishikalamba, kabili notwana nefyaba ngefyo, nokuya pa ntanshi . . . mukufusha imikuni yabo iikalamba iya ng'ombe.

124 Kabili apa apakusungila inama pamo, umwine, nangu kasunga, efyo twita palya, “pamuulu,” umukalamba kangalila, akwete kwati abana abanakashi basano. Bonse bali abanakashi abasuma, abaice, abashaupwa.

125 Kabili kwali namayo umunono kulya, uyo uwali umufyala kuli aba abakashana, ukuti ba wishi naba nyina bonse balifwile. Kabili bamuletele kulya mukwikala . . . ukwikala pamo na nalume wakwe—wakwe.

126 Kabili balya abakashana bali muli filya ifyakufwala ifisuma ifya nsalu shalebela, namwishiba, kabili—kabili—kabili babulilefye yuyu umukashana umulanda umunono nokulamucusha kwati ninama. Imilimo yonse iya kosa yalebikwa pali ena. Alewamya ifipe. Alewamya. Alewamya pamasanshi. Ena—ena alewamya fyonse. Kabili baleikalafye namala yabo ayapentwa ayawama, nefyo balebika pamilomo yabo, fyonse fyalewamishiwa, namwishiba, fyalekalifya fye.

127 Kabili ukucilapo balecita ifi ilyo baumfwile ico ukufuma Chicago, ku kampani akakalamba akalebika ifyakufwala, umwaice wakwe, umwana umwaume umo aleisa mukutandalila kulya basunga inama. Oh, baishile nabapopoka mufyakufwala ifisuma! Ah! Kabili bushe balifwele nokulenga ukuipekanya pakwisa kwakwe! Kabili nacila bushiku ukulanshanya ifyo kwaleba, bali nokwimya yuyu umuntu umulumendo umwaice nokumupa. Bushe kuti . . . Nomba kuti bakwata umwakusungila inama, palwabo abene, pantu umwana umwaume kuti aba impyani pali fyonse. Eico bailengele palwabo ukuba abaipekanya.

128 Eico, mwamona, kufwile kwaba ukuipekanya ukufwile kwacitwa. Iwe ufwile waipekanya palobe, ukupitila mukuyampanya ku chalichi nangu icintu cimo, ico tacili e conse icifwaikwa. Ufwile wakwata Amafuta mu nyali yobe. Mwamona? Ukufwalafye kobe, tutile, “Tuli nokukula ichalichi icikalamba. Tuli nokuba ku cilonganino icisuma. Tuli—tuli nokushita icinanda icinono icakwa Shikulu. Tukapanga ifipuna ifisuma.” Ico teco Lesa afwaya.

129 Ubulungami ebo Lesa afwaya, mu Mwana Wakwe, Kristu Yesu. Ico eakufwala. Pantu Baibele itila, “Ifyakufwala fya

buuta ifyo apulamikilwemo, e bulungami bwa bashila.” Eico ena. . .

<sup>130</sup> Aba abakashana batontonkenye ukutila kuti baipanga abene palwabo ukuba abaipekanya pakwisa kwa uyu umulumendo. Pantu, uyu umufyala umunono umulanda, ico cilenjibukishapo pa wasulilwe umu ku ncende kumo. Iwe kuti wamutotela. Ali mwanakashi umusuma. Lelo, oh, owe! Ali mukashana umunono umusuma, lelo takwali noku mutontonkanyapo pakati kabo, tekubafye nga lupwa.

<sup>131</sup> Nomba ico cilifye pa cikope ica cine pa Chalichi ica cine, ileelo, ku filonganino ifingfi. [Pali tepu tapali amashiwi—Kale.] Nangufye ukutontonkanishiwapo; mwi bumba lya filongaanino ifingi, ibumba lya basulwa.

<sup>132</sup> Eico uyu umulumendo umunono umulanda atwalililepofye ukuya, alebomba. Kabili lintu umulumendo afikile. . .

<sup>133</sup> Bena tabaishibe ico, lelo aishile alefwaya umukashi. Ali uwanaka pabakashana bamumusumba abo abaikelefyene nabaikobaika, kabili, oh, namwishiba, ukulaendaukafye mukulwa fyabwalwa, nokulaenda fye muli ba Kadillaki, kabili ne—ne fintu ifyapusana pusana. Bena—bena balifye abanaka pali ifyo. Atontonkenye ukutila, “Ndi nokuya ku Mboshi nokuifwaya u—umukashana uwacine uyo uuli nokuba nyina uwacine kubana bandi. Umuntu umu uushifwile ukulaikala mwibumba lyabantu ababila kabili—kabili namabumba ne fintu, lelo ali nokubafye nyina uwa cine.” Cinshi ico asangile lintu aile kulya, nomba cintu cimo cine ico asushishe namu Chicago?

<sup>134</sup> Ndesunguka nga cakutila Shikulu Yesu ali nokusanga ichalichi, icilonganinofye, kwi shina fye, “ichalichi,” Amafuta mu nyali tamuli, abashili abaipekanya ukuya? Oh, bakwete amalaya ayasuma. Bakwete ama chalichi ayakalamba, *ifi* ifikalamba, kabili ne fintu fyonse ifi. Lelo Lesa tafwaya ico. Afwaya iwe nga we muntu umu. Bena limbi kuti bakwata ba kakumba abasuma, bena limbi kuti bakwata ibumba lyaba dikoni ilisuma, lelo Alefwaya iwe na Mafuta. Ali nokwisa nokusenda ayo Amafuta na Nabwinga.

<sup>135</sup> Kabili nga fintu ena, uyu umulumendo, aloleshe pali bena, aumfwile ububi mu mutima. Kabili bulya bushiku bakwete icintu cimo pa mutande. . . Muli shilya inshiku, cena palipita inshita iitali, baitile “Charleston,” ico cabafye kwati kushana kwakuya ku ntanshi nokubwelela kunuma. Kabili bali nokukwata amalila yamo ayakalamba. Mwebengi imwe mwe bantu muleibukisha kulya ukushana ukwa Charleston uko balecita, kulya kunuma lintu Nali umwaice, lintu Nali kulya. Kabili eico bonse balefwala utunono twabo utwafita ne nsalu ishabuuta, namwishiba, pakucita u. . . Oh, cena caleitwa “Charleston,” kabili “nakumpela ukwafita.” Ifyo efyo baleita.

Kabili balekwata ifyakufwala fibili ifyalepuka, kabili ilyo bali nokukwata uko ukushana.

<sup>136</sup> Kabili, lelo, uyu umulumendo talemwaya ifyo fintu. Alefwaya umukashana uwa cine, eico afumine mu malila yabo. Alebamon. Aingile mukati ukulolesha pali bena.

<sup>137</sup> Eico Mwana umo untu Naishiba. Umwana umbi ali nokwisa ku chalichi cenu. Ali...Umwana wakwa Lesa, Ali nokwisa kulya. Akalolesha konse konse. Ali nokumona ukutila naufwala bwino. Ali—Ali nokwishiba ukutila iwe uli membala musuma. Lelo Alelolesha pa cintu cimo icapusanako ukufumafye mucicitwa mu nshiku isha chalichi.

<sup>138</sup> Eico lintu aloleshe konse konse, panuma yakashita, ali uwatompolwa nganshi. Aendele ukufuma pa mwinshi.

<sup>139</sup> Nokubwelelamo, aleenda mu lubuuto lwa mweshi, ukulola ku ng'anda yama sanshi, aumfwile umuntu umo kwati aleing'wintawila. Kabili aloleshe konse konse. Kabili apa paishile pita umukashana uwakwete ibeseni ilikalamba ilyakwete amenshi yakusukila imbale, mulya mwine mu bushiku, takwete insapato, ishakwitililako amenshi yakusuka imbale. Kabili lilya line fye amwene ena, icintu cimo cimbi catile, "Euyu wine. Ni ulya wine umo." Eico aibikile munshila. Kabili lintu ena...Ilyo e lintu ena abwelele ukukonka mwilinga lya mbao, mulandu nshi, aiminine palya. Kabili nimupepifye nokutila apone umutombo.

<sup>140</sup> Atile, "Mwabombeni?" Kabili atile, "Ishina lyobe niwe nani?" Kabili amwebele ishina lyakwe, kabili lyali li shina limo line ilya mukalamba uwa mulya basungila inama. Atile, "Nomba Ine tekuti nkutuluke ifyo ici caba...Bushe balya niba wiso?"

<sup>141</sup> Atile, "Iyo. Ine ndi mufyalafye, mwamona. Taata wandi kabili na bena bali niba munyina. Nakwata ishina limo line. Lelo ine...Balya, balya e bakalamba ba ncito."

<sup>142</sup> Iwe limbi kuti wakwata ishina lya chalichi, limbi kuti wakwata ishina lya Branham Tabernacle, nangu Methodisti, nangu konse ku chalichi uya. Ico tefyo caba cibusa. Mwamona? Cintu cimo icaba icapusanako. Yena mibele yobe. Iyo eyo Lesa aloleshapo. Iwe limbi kuti waba Methodisti. Iwe limbi kuti waba Baptisti. Iwe limbi kuti waba Presbyteriani. Teico iyo. Mibele eyo Lesa aloleshapo. Te mibelefye ye sonde, lelo mibele ya Mupashi wa Mushilo. "Ifi ifishibilo fili nokukonka bonse abacetekela," efyo Yesu alandile, mu chapitala 16 iyakwa Mako Washila.

<sup>143</sup> Alisendelwe nganshi icakuti—icakuti kuti alanda kuli ena, nangufye. Akonteke umutwe wakwe uunono, nokubutukila mu ng'anda.

<sup>144</sup> Ali kulya pa mulungu umo nangu ibili, kabili alelolesha konse konse, ku ncende konse. Kabili tatalile alanda nakabili, lelo atwalililepo ukumumona. Kabili ubushiku ilyo talati

aleya . . . Ali nokuya ulucelo lwakonkelepo. Bena balepekanya ukukwata amalila ayakalamba. Kabili alemumona. Ena lelo tamumwene. Alishibe ukutila alewamya imbale nefyaba ngefyo, eico, umulimo onse uwafiko na fyonse tafiposeleko amano.

<sup>145</sup> Kabili iyo e nshila iyo i Chalichi ica cine icakwa Lesa cifwile casendelamo ico munshita imo, pamulimo wa fiko, yonse amashina ya busanso, kabili na conse icintu ico icaba icakaso, ukuposwa pali Cena. Kabili Alikwete icuni icikalamba ica mabala mabala. Ifyuni fyonse fimbi fyalekolongana ukushinguluka nokwangala na Ena. Ico nacilungama. Ishina lyakwe lyaba mwi Buuku ilya Mwana wa mpaanga ilya Mweo. Ali nokufungulula amapindo Yakwe ayakalamba ubushiku bumo ukuti akapupuke. Ali uwaipekanya. Yalya amabala capilibwile u Mulopa wakwa Kristu uwasanshilwe pali Ena. Mwamona? Mwalibelenga ico mwi Buuku lyenu, Baibele.

<sup>146</sup> Kabili uyu umulumendo amwene ulya umukashana munono bulya bushiku alefuma. Atile, “Nalikumona. Tapali nangu umo uwaishiba ico lelo nipalwandi nemwine.” Atile, “Naisa kuno ndefwaya umukashi. Kabili nafyonse ifyo Namona, iwe naukwanisha ifikabilwa.” Bushe nimumusango nshi amfwililemo? Umwana umukalamba uwa muntu mukalamba alemwipusha nomba nga cakutila kuti aba umukashi wakwe.

<sup>147</sup> Ingililenimofye ifyo balya abakashana baumfwile lintu baloleshe panse pewindo lyabo nokumona, nabekatana amaboko, pamo naulya umunono, umufyala wasulwa, umuntu ulya untu baeseshe ukubebeleka, ne fyakufwala ifyalebela nefya nsekebele, nokutwalililapo.

Kabili atile, “Bushe kuti mwangupa?”

“Oh,” atile, “mukwai, Ine nshili uwafikapo.”

<sup>148</sup> Iyo e nshila i Chalichi ica cine cumfwilamo palwa ico, “Nshili uwafikapo. Ine kuti . . . Nga cakutila Ine kuti nawamya ifipe Fyenu, cena kuti caba icalungama.” Bushe ulefwaya ukukwata cilya icifulo? Bushe kuti wa wamya ifipe ukufuma mu cakulya ca munshita ya Bushiku? Bushe kuti waba uwafwaya ukwitwa uwapena? Nangu, bushe kuti waba uwacikabila ukubula inshila iyakwa Shikulu nabanono abasulwa? Bushe uli uwakabila?

<sup>149</sup> Bushe uli uwakabila, pamulimo obes, ukwishibikwa, “Uyo e muntu, ena untu waba kapepa wapena, pantu ena tekuti anwe, tekuti apeepe, tashana, tenda pamo na banakashi”? “Palya pali umwanakashi uukonteka umutwe wakwe panshi, enda kwati . . . ukupita monse mu musumba. Taba . . . Tekuti ese mu mabumba yesu”?

<sup>150</sup> Bushe ulefwaya ukusenda inshila, ukuilenga wemwine ukuba uwaipekanya pa Kwisa kwakwa Shikulu? Nga cakutila naukwata . . . Nga cakutila kuti wacita, iwe uli nokulalolela pali Ena ukwisa. Uli nokuba uwasangalala pa Kwisa Kwakwe. Tacili nokuba icintu icabipisha. Yena ili nokuba ninshita iikankala

iya kusangalala iyo iwe wingatontonkanyapo, u Kwisa kwakwa Shikulu. “Bonse abatemwa ukumoneka Kwakwe.”

<sup>151</sup> Eico, lintu aile, amwebele ukutila ali nokubwela pa nshita imo. Atile, “Lintu ukatampa ukumona...” Caba ulusuba. Atile, “Lintu watampa ukumona filya ifimuti fyatampa ukubalula, kulya, shilya intongwe ne fintu fyatampa ukukwata ubumi ubupya,” atile, “nomba Ndi nokubwela panshita yakupuka kwa fintu.”

<sup>152</sup> Ine nakutuluka, Ine tekuti ntile cena cali ica cine, lelo umukashana alefola dolla umo nama senti amakumi cine lubali na yasano pa mulungu pakubomba kwkwe. Lelo alesunga ipene lyonse ilya ico. Mulandu nshi? Aleba uwaipekanya pa bwinga bulya ubwali nokubako. Alesunga impiya pa ndeleshi yapa bwinga. Pantu atile, “Tukopanina pano pene apasungilwa inama lintu Nkabwela nakabili.” Abikile ulupiya lwakwe umwaka onse. Ali uwansansa. Tasakamene pakuwamya ifipe. Tasakamene pakucisa ifyakufwala, nangu ukupyanga mu ng’anda yamasanshi, nangu icili conse ukucilapo. Ena akobekelwe ku mukalamba wapa ncito apo balesungila inama.

<sup>153</sup> Cinshi ico tusakamanina paco isonde lilanda, pa mwina Kristu uwa cine? Cinshi ico ifwe twingasakamanina nga cakutila ifwe batusula nokutukana? “Balipalwa abafuka, pantu bakapyana isonde.” U Mwana wa Mukalamba wa ncito aleisa, pa bushiku bumo, kabili tuli nokuya ku Mulalilo wa Bwinga. Bulekano nshi cipangapo kuli ifwe nga cakutila ifwe twatemwa ukumoneka Kwakwe?

<sup>154</sup> Panuma cena capwile..Inshiku shapitile. Abana abanakashi abanono, abafyala abanono, abalemupumya, abaleshana ukumushinguluka, nokucita ifintu fyonse fimbi. “Ukuba,” atile, “iwe wemulanda, umwaice umupumbu! Bushe tawishibe nga cakutila ena...Mulandu nshi, ena abafye pamofye kwati nga abaume bonse bambi. Ena alekukalifyafye.”

<sup>155</sup> Lelo u Mwana wakwa Lesa takalifya. “Kano umuntu afyalwa cipya cipya, tali munshila iili yonse...” Nshilesakamana ifyo iwe umoneka umusuma, ne chalichi cintu wabapo, ifiyo ubwiminishi bobe bwaba mu calo. Iwe limbi kuti waba uwafikansa fya calo. Iwe limbi kuti waba mubuteko bwa calo. Iwe limbi kuti mwaba mu Katolika, Prebysteriani, ichalichi conse ulefwaya ukubamo. Lelo, cena caba, “Kano umuntu afyalwa cipya cipya, iwe tekuti wingile. Kabili ifi ifishibilo fili nokukonka bonse abo abacetekela.” Ndeambulafye i Cebo Cakwe.

<sup>156</sup> Mukulekelesha, ilyo inshita yafikile atampile ukumona ici, ukubalula kwatampile ukuba pa fimuti. Alishibe ukutila ali nokuba kulya pa nshita iili yonse. Kabili atile, “Ndi nokucipangafye ukuba mukuwa kwa kasuba, pakutila twaupana nokwangufyenya ukuya.” Kabili nenshita yacungulo kasuba,

pakuwa kwakasuba, lintu ena—ena engaya nokuba, uwaipanga umwine ukuipekanya, nokufwala icakufwala icinono, indeleshi yapa bwinga, nokulolela pa mpongolo.

<sup>157</sup> Kabili naba abafyala banono baisa nokulamuseka, nokulamupumya, nokutila, “Iwe we mulanda, we wabula amano, we mwana uwabula ukwishiba. Ukutontokanya ukutila u—umuntu uwakwata...Ena ni Kateka, ukuba, uwa kampani, ukutila umulumendo wakwe kuti aupa kawamya wa fipe!”

<sup>158</sup> Alelolesha pa maka, tepa fyakufwala. Alikwete impiya ishikalamba ishakushita fyonse ifyakufwala fyalefwaikwa.

<sup>159</sup> Lesa talolesha pa fintu ifikalamba ifyo wakwa. Alikwata ifintu fyonse mwi sonde. Eico, Afwayafye amaka. Afwaya icintu cimo icaba ica cine.

<sup>160</sup> Kabili eico, mukulekelesha, mucungulo cimo, ilyo aiminine palya, kabili balemuseka no kumupumya, nokumweba ukutila ali uwabula amano. Pamukufye umu, baumfwile amakasa yanama yalefwatauka. Cinshi icacitike? Ukuya kulya ku mpili kwaishile icikotikala icaisuka nemipeto ine. Nomba, icikotikala cinono, icaisuka pamuulu, fyalishibikwa nganshi ku Mboshi. Kabili naba kabalwe bonse baletolaula ne fintu fyonse, baleisa. Ukuya pa lupili, pafumine ici icakusendelamo, kabili caiminine kuntanshi ya mpongolo. Kabili abutwike. Atile, “Nalishibe ukutila uli nokwisa.”

Ico icili nokuba ku Chalichi ubushiku bumo.

<sup>161</sup> Aiposele umwine eka mu maboko yakwe, kabili atile, “Wemutemwikwa, Nalibikilepo umuntu uwaikele pano apakusungila inama ukutula ilyo Nafumine pano umwaka wafumineko, uyo uunjeba ulusebo ulwa fintu fyonse ifyo iwe ucita.”

<sup>162</sup> Lesa nakwata u Muntu uwikele muli lino ihema, muno lucelo, Ena etwa Mupashi wa Mushilo. Alishiba ifya nkama fya mutima obe. Alishiba ifintu fyonse ifyo wacita, nangu ifyo utontokanya. Aleba Taata ifintu fyonse ifyo ucita. Alabweshwa imbila nokuitwala ku ntanshi.

<sup>163</sup> Atile, “Nanjeba ukutila iwe ulalolela, kabili ulabomba, kabili ulabomba mukutekanya, ukulolela pali ine ukwisa. Nomba, iwe waba umusha panshita iitali, lelo nomba inshiku shobe isha busha nashipwa. Ninjisa pamo na kapyunga, pano pene mwisamba lya ici icamaluba, iwe waba umukashi wandi.” Amutomwene, nokumufwika inyinda minwe ya bwinga ku munwe wakwe, nokumwimya pamuulu nokumubika mu cikotikala, nokuboko kwakwe nabika ukushinguluka ena. Kabili aenseshe, nokuya sanga ili isano lipya ilikalamba pa Outer Drive mu Chicago, icalo icasalilwe, ico ali nokwikalamo nga nabwinga wakwe.



164 Mulandu nshi? Ali uwaipekanya. Alikele kabili ali musango wa mwanakashi untu alefwaya. Cacitikefye mukashita akanono.

165 Kabili kulya ukupumikisha, ukwa Kwisa kwamu nkama ukwakwa Shikulu, isonde talyaishiba ukutila cili nokucitika, lelo ifwe twalishiba. Nenshita naifika. Taufwile ukuba nga namayo umwaice untu bena bafulile ifyakufwala, ku Pearl Harbor, iwe uli nokuya mu musebanya. Uwe nga Umo uwailengele ukuipekanya umwine eka pa Lwakwe, kabili asungile na maka Yakwe, kabili alelolela pa Kwisa kwakwa Shikulu, pantu cili nokuba mu nkama kabili mukupumikisha.

166 Ilyo muletontokanya pali ifyo fintu, natukonkeke imitwe yesu kuli Ena Uyo uuli nokwisa.

167 Ilyo fye tatulalanda kuli Ena, umuntu onse mu nshila yakwe ine, umwanakashi one, umulumendo, nangu umukashana. Kabili ilyo Ndelanda kuli Ena nokwishiba ukutila Mubomfi Wakwe uwa munkama, Umo untu iwe tawingamona na menso yobe, eico Ena Mubomfi wa munkama, uwaplwa Mupashi wa Mushilo ali muli cino cikulwa. Bushe kuti wafwaya Ena akwibukishe iwe ku cinso cakwa Wishi, muno lucelo, ukutila iwe ulefwaya ukuba awaipekanya, kabili lintu Ali nokwisa, iwe ufwile waya Nankwe? Nga cakutila kuti wafwaya, bushe kuti waimyako ukuboko kobe kuli Ena? Shikulu Amipale. Ndetontokanya mukucitwa ukuboko conse mucikulwa; nokwandi, pamo. "Ndefwaya Imwe, Mupashi wa Mushilo, ukweba Taata, 'Ukulolesha pano pali ine. Nde—Ndesenda inshila pamo na bantu Bakwe abasulwa. Nde—Ndefwaya ukuya, ukufwaya ukuipekanya. Nde—Ndefwaya ukuba uwaipekanya nombaline, pantu Ena limbi kuti aisa ilyo ukulongana takulapwa."

Ifyalo fileakanikanamo, Israele alebuka,  
Ifishibilo ifyo bakasesema balandile libela;  
Inshiku sha bena Fyalo nashipwa,  
nefyakuliminako ifyafina;  
"Bweleni, O mwe basalanganishiwa, ku  
mwenu kwine."

Ubushiku bwa bulubulo buli mupepi,  
Imitima ya bantu ilepona ku mwenso;  
Beni abaisushiwa no Mupashi wakwa Lesa,  
inyali shenu ishaaka kabili ishamona bwino,  
Lolesheni mu muulu! Ubulubulo bwenu buli  
mupepi.  
Icamuti ca mukunyu cilekula; Israele  
alebwelelapo.

168 O mwe Lesa! Icamuti ca mukunyu cabalula, Israele alebwela nge calo! Lintu Nacumfwa kakumba wesu muno lucelo, alanda ukupepelako Israele! Bushe tamwishibe ukutila uko ekubalula? Ena afwile aisa pali iyo nshita.

169 Ukumona ilya *Ba Miniti Batatu Ilyo Ubushiku pakati tabulafika*, pali cilya icalembwa, ukumona cena pa—pa cakukopelako candi, nangu icakulangisha pamuputule wamwisaamba wandi, ilyo balya aba Yuda abakalamba abalemana kabili baleisa mu mato ayakalamba ne fintu fyonse, ukufuma konse mwi sonde. Kepusha wa mepusho atile, “Bushe muleisa ku calo cenu, ukwisa fwila mu calo cenu?” Atile, “Iyo. Twishile mukumona Messiya.”

170 Icimuti ca mukunyu cilekula. Bushe tamulemona cena? Ubushiku ubwa Bulubulo nabufika.

Bakasesema ba bufi balebepa, Lesa e Cine  
bena balekana,  
Ukutula Yesu uwaba Kristu e Lesa wesu;

Bushe tamulemona apo tuli?


Lelo ifwe tuli nokwenda apo abatumwa  
banyantaula.

Ubushiku bwabulubulo nabufika,  
Imitima ya bantu ilepona ku mwenso;  
(Tontonkanya pali ico!)

Ba uwaisushiwamo no Mupashi wakwa Lesa,  
inyali shenu shake kabili shimone bwino,  
Lolesheni mu muulu! Ubulubulo bwenu  
nabupalama.

171 Shikulu Lesa, muli ino nshita iikalamba, apo Ndelolesha pali luno ulukuta ulunono nokumona ifinso ifya kashika kabili na masaya ayatonaikwapo ifilamba, tuli abaibukila ukutula u Mubomfi uwa nkama iikalamba naiminina mupepi, Mupashi wa Mushilo.

172 Nomba natubule inshila pamo nabanono abasulwa abakwa Shikulu. Nga cakutula muli utunono utwa kuikasabanya mu bena mupalamano besu, pakati ka bantu, pakati ka chalichi, nangu ponse apo cena cili, ico tacikwete nangu cimo icakucita pamo naifwe. Tatulu nokukowesha ifyakufwala fyesu pamo ne fintu ifya mwi sonde, nakabili. Pantu Imwe muli nokwisa ubushiku bumo mukashita akanono, mukukapa ukwa linso, kulya ukupumikisha, u Kusumbulwa kwa munkama ukwa Chalichi Cenu. Imwe muli nokwisa pa lupili lwa nshita, ukwikila panshi mubutali bwa mukola mfula, ukusenda i Chalichi, pantu Amalembo yatila, “Ipenga lyakwa Lesa lili nokulila. Kabili nabafwila muli Kristu bali nokwima. Kabili tukolwilwa pamo nabo, mulwelele, mukukumanya Shikulu, kabili tukaba umuyayaya pamo na Shikulu. Eico, mweba bwananyina bandi, muleitalalika umo no munankwe nefi ifyebo.”

173 Leken iico cilile mukushika mu mitima iya lukuta muno lucelo. Tuli nokulumbanya Imwe mwi Shina lyakwa Yesu. Amen. 

58-1012 Ukuya Kwakupumikisha,  
Ukwa Munkama Ukwa Chalichi  
Branham Tabernacle  
Jeffersonville, Indiana U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)